
HYSBYSEB

SWYDDOG PROSIECTAU GARDDWRIAETH

Yr Adran Garddwriaeth

Cyflwyniad

Mae gan Ardd Fotaneg Genedlaethol Cymru (GFG Cymru) gyfle i arddwriaethwr brwd, sy'n meddu ar frwdfrydedd a gallu, i ddod yn rhan o'n tîm medrus ac ymroddedig. Tasg y Swyddog Prosiectau Garddwriaeth fydd datblygu a rheoli prosiectau garddwriaethol sy'n anelu at gynhyrchu elw, a helpu gyda gweithgarwch elusennol yr Adran. Mae gan GFG Cymru eisoes enw da am weithio gyda phartneriaid masnachol i ddarparu cymorth garddwriaethol ac arbenigedd botanegol i brosiectau lliniaru ecolegol a diogelu planhigion.

Bydd deiliad y swydd yn rheoli, darparu a nodi cyfleoedd pellach ar gyfer gwaith tyfu i gontract a gwaith ymgynghori ar ran GFG Cymru. Bydd sgîl garddwriaethol, pen busnes da a'r gallu i reoli perthnasoedd â phartneriaid masnachol yn rhinweddau pwysig ar gyfer y swydd. Bydd yn ofynnol i'r ymgeiswyr amlygu eu bod yn arddwriaethwyr profiadol a chymwys, bod ganddynt ddiddordeb brwd yng ngwaith a chenhadaeth GFG Cymru, a'u bod yn gallu gweithio ar lefel uchel o gyfrifoldeb personol.

Y Sefydliad

Mae GFG Cymru wedi'i hachredu gan Botanic Garden Conservation International ac yn darparu ymchwil, cadwraeth, addysg a garddwriaeth o'r radd flaenaf ar gyfer Cymru. Mae'r ardd fotaneg 568 erw yn cynnwys casgliadau botanegol amrywiol, wedi'u tyfu mewn amrywiaeth o amgylcheddau, sy'n cynnwys y tŷ gwydr un rhychwant mwyaf yn y byd, sef y Tŷ Gwydr Mawr. Mae ardaloedd y gerddi ffurfiol wedi'u hamgylchynu gan Warchodfa Natur Genedlaethol Waun Las. Mae'r Warchodfa yn cynnwys tirwedd gymysg sy'n cynnwys tir fferm wedi'i ardystio gan Gymdeithas y Pridd, a pharcdir treftadaeth, sy'n cael ei adfer ar hyn o bryd gan brosiect Adfer Cyfnod y Rhaglywiaeth, a ariennir gan Gronfa Dreftadaeth y Loteri.

A hithau'n sefydliad cenedlaethol, mae GFG Cymru yn cydweithredu ag amrywiaeth o bartneriaid ledled Cymru ac yn rhyngwladol, a hynny er mwyn symud cenhadaeth y sefydliad yn ei blaen. Mae GFG Cymru yn cymryd rhan weithredol mewn prosiectau ledled y wlad sy'n berthnasol i'w rhaglen ymchwil a chadwraeth, a thrwy brosiectau megis *Tyfu'r Dyfodol* a *Caru Natur Cymru*.

I ddysgu rhagor am y genhadaeth a phrosiectau cyfredol, ewch i garddfotaneg.cymru.

Crynodeb

| | |
|--------------------------|---------------------------------|
| Teitl y Swydd | Swyddog Prosiectau Garddwriaeth |
| Adran | Garddwriaeth |
| Yn adrodd i | Y Goruchwyliwr Garddwriaeth |
| Rheolaeth llinell | Dim |
| Yn gyfrifol am | Myfyrwyr a gwirfoddolwyr |

Cyfrifoldebau allweddol

Bydd deiliad y swydd yn gyfrifol am reoli, cyflawni a nodi prosiectau garddwriaethol masnachol. Bydd cyfleusterau tyfu yn cael eu darparu i hwyluso'r gwaith o ledaenu a chynnal deunyddiau planhigion, a bydd lle yn cael ei ddyrannu mewn swyddfa ar gyfer gwaith desg. Nod y rôl yw cynhyrchu elw i gefnogi gweithgarwch elusennol GFG Cymru, darparu arbenigedd i brosiectau sy'n cael eu cyflawni yng Nghymru, a symud cenhadaeth yr elusen yn ei blaen.

1. Lledaenu a chynnal deunyddiau planhigion a dyfir ar gyfer prosiectau garddwriaeth fasnachol.
2. Cadw cofnodion cywir a manwl o blanhigion ar system IRIS yr Ardd Fotaneg ar gyfer rheoli casgliadau o blanhigion
3. Labelu planhigion yn gyson, a sicrhau bod yr enwau yn gywir ac yn gyfredol
4. Sicrhau bod safonau uchel yn cael eu harfer a'u datblygu o ran bioddiogelwch
5. Cysylltu â phartneriaid masnachol a rhanddeiliaid allanol i sicrhau bod prosiectau yn cael eu cwblhau yn llwyddiannus
6. Nodi cyfleoedd newydd ar gyfer prosiectau tyfu i gontract, prosiectau ymgynghori neu brosiectau garddwriaethol eraill
7. Monitro incwm a gwariant, ac anelu at sicrhau bod prosiectau garddwriaethol yn gwneud elw
8. Recriwtio a rheoli tîm o wirfoddolwyr a fydd yn cefnogi prosiectau garddwriaethol
9. Cydweithredu â chyd-weithwyr i gefnogi'r Adran Garddwriaeth a GFG Cymru
10. Unrhyw dasg resymol arall a bennir

Manyleb y person

Isod gwelir y meini prawf a ystyrir yn angenrheidiol i gyflawni'r rôl. Mae'r wybodaeth ar gael yn agored i ymgeiswyr, a bydd yn sail i'r broses recriwtio a dethol. Dim ond yr ymgeiswyr hynny sy'n bodloni'r meini prawf hanfodol mewn modd digonol a fydd yn cael eu hystyried.

Y meini prawf y disgwylir i'r ymgeiswyr ddarparu tystiolaeth ar eu cyfer:

Meini Prawf Hanfodol

1. Cymhwyster lefel 2 Fframwaith Credydau a Chymwysterau Cymru mewn Garddwriaeth, pwnc perthnasol neu gyfwerth
2. Tystiolaeth o gymhwysedd, sgil a diddordeb mewn garddwriaeth gardd fotaneg
3. Profiad o weithio gyda myfyrwyr a gwirfoddolwyr
4. Y gallu corfforol i ymgymryd â thasgau egniol
5. Dealltwriaeth o ddamcaniaeth ac ymarfer bioddioigelwch
6. Y gallu i gynnal cofnodion cywir o'r planhigion, a sicrhau bod y labeli yn gywir
7. Y sgiliau rhyngpersonol sy'n ofynnol i gysylltu â phartneriaid masnachol a rhanddeiliaid allanol
8. Y gallu i ddeall rhwymedigaethau contractiol a monitro cyllidebau
9. Y gallu i weithio yn rhan o dîm a chyfrannu at nodau ar y cyd GFG Cymru
10. Ymrwymiad i genhadaeth ac amcanion GFG Cymru, a dealltwriaeth ohonynt

Meini Prawf Dymunol

11. Profiad o arddwriaeth fasnachol
12. Hyfedredd mewn Cymraeg ysgrifenedig a llafar

Manylion am y Swydd

Swydd barhaol yw hon, a fydd yn cychwyn ar y dyddiad cynharaf y gellir ei drefnu. Yr oriau gwaith yw 37.5 awr yr wythnos, sef 8am tan 4pm fel arfer. Disgwylir i chi weithio ar y penwythnos ar sail rota. Y cyflog yw £19,038.00 y flwyddyn.

Croesewir ymholiadau anffurfiol, a dylid eu cyfeirio at Will Ritchie, y Curadur Garddwriaeth: will.ritchie@gardenofwales.org.uk.

Sut i wneud cais

Dylid anfon ceisiadau, yn cynnwys CV cyfredol a llythyr esboniadol sy'n egluro'n glir y modd yr ydych yn bodloni'r meini prawf hanfodol, a pha fanteision y gallech eu cyflwyno i'r elusen, ynghyd â manylion llawn dau ganolwr, at Anne-Maria Nicholas <Anne-Maria.Nicholas@gardenofwales.org.uk>. Y dyddiad cau ar gyfer ceisiadau yw 30 Hydref 2020.